



Inatsisartunut ilaasortaq Agathe Fontain, Inuit Ataqatigiit

Besvarelse af § 37 spg. nr. 241 om offentlig hjælp KAL

Pisortanit ikorsiissutit pillugit apeqqutinnut qujanaq.

1. Naalakkersuisut, Pisortanik ikorsiissutit pillugit Inatsisartut peqqussutaat nr. 15, 20. November 2006-imeersoq allanngortinnissaa eqqarsaatersuutigaat?

Inatsisartut peqqussutaat maanna atuuttoq 2006-imi akuersissutigineqarpoq. Peqqussut aqqutigalugu qularnaarneqarusuppoq inuit ataasiakkaat inuuniarnikkut isumalluutaannik nukittorsaallunilu pitsangorsaanissaq. Suliniutit arlallit aallartinneqarput amerlanerit sulilernissaat aamma suliffimmi sulisoriinnarnissaat qularnaarniarsaralugit. Siunnersummi pisortanit ikorsiissutinik pisartagaqartoq nammineq inuunerminut akisussaasuunermink paasinninnissaanut piffissarlu ungasinnerusoq eqqarsaatigalugu imminut pilersugarilernissaanut piumassuseqarnerulersinniarneqarpoq.

Peqqussummi pineqarput inuit suliffissaqanngitsut suliffissamillu naammaginartumik neqeroorfingineqarsinnaanngitsut aamma inuit suliffeqalernissamut piareersimasuunngitsut. Peqqussut Suliffeerunnermi ikorsiissutit pillugit inatsisartut inatsisaannik taperneqarpoq, tassani inuit namminneq pisuussutigingisaminnik suliffissaarunnermik pissuteqartumik isertitassatigut annaasaqartartut siunnerfigineqarput.

Pisortanit ikorsiissutit pillugit Inatsisartut peqqussutaat akuersissutigineqaramili marloriarluni allanngortinneqarsimavoq, allannguinerilli annikitsuinnaat marluk tasani pineqarput. Naalakkersuisut taamaammat isumaqatigaat suliaqarfimmumt tamriusumut tunngatillugu nutaamik eqqarsartoqarnissaanik pisariaqartitsisoqarnera. Taamaammat ilaatigut naalakkersuisooqatigiinnissamik isumaqatigiissummi takuneqarsinnaavvoq pisortanit ikorsiissutit pillugit inatsit aaqqissuuteqqinniarneqartoq.

Naalakkersuisut anguniagaraat isumaginnitoqarfimmii suliffeqarfinnilu maleruagassat akornanni pitsaasumik sunneeqatigiinnerusoqartarnissaa. Tamanna pissaaq innuttaasup sulileqqinnissaanut inatsisip aporfiusannginnissaa qulakkeerniarlugu. Naalakkersuisut anguniagaraat inatsisip ingerlatsivimmit aqukkuminarnissaa, tamannalu ilutigalugu innuttaasup sulileqqinnissamut pitsaanerpaamik tunngavissaarnissaa.

Naalakkersuisuttaaq isumaqarput inatsit sulilernissamut kajumissuseqartitsilersillugu sularineqassasoq. Inunnut pisariaqartitsivissortunut taamaallaat pisortat ikorsiissutaat tunniunneqartartussanngorlugu inatsit sularineqassaaq.

09. oktober 2015
Suliap normua 2014-101284
Allakkap normua 2043434

Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl

Tamakkua saniatigut inatsit ilusilersorneqassaaq siunnerfeqarluni siunertanut atugassanngorlugu - tassalu inuit imminnut pilersorsinnaasunngorlugit aamma inatsit aqutigalugu ineqarnermut il. il. akiliuteqartarnikkut akisussaaffeqarnerunissaq anguniarlugu.

2. Naalakkersuisut siunertaq uniorlugu ingerlasoqarnera nassuerutigalugu Inatsimmik nutaamik saqqummiussissamaarpat?

Apeqquummut 1-imut akissut innersuussutigineqarpoq.

Inussiarnersumik inuulluaqqusillunga
Med venlig hilsen

Martha Lund Olsen